

tium ad molliem flexum sua munia tam certè & procliviter administrabit, ut nunquam necesse sit ad gravissimam illam Præputii dissecandi operationem confugere.

Hæ Indicationes, si Medicorum praxin consulamus, Theoriam aliquam supponunt, ad Meam verò solam verè referuntur. Illud enim pro explorato habemus, quòd sicut ex Glandis & Præputii Carcinomatibus Phimosi & Periphimosi oriuntur, ita quoque si Ulcuscula ita è medio auferantur, Præputii ineptitudo cito relevabitur. Ab his profecto rationibus Phimosi non tantum maturius, sed sine ulla ope Fomentorum aut Incisuræ periculo ad medelam perducitur. Hæc autem curandi Methodus Medicos adhuc clam fuit, licèt in Praxin deduci facili cum negotio potuerit. Verumtamen ne in his rebus nimis diu immorari videat, ad alias quasdam Medicorum præceptiones progredior, quæ nullo consilio, nulla profus Theoria, aut à Natura, aut à Symptomatibus Carcinomatum deducenda, suffalciantur.

Nonnulli enim ventrem infimum & pubem aqua frigida aspergi volunt, dum manus aqua etiam frigida madefacta Præputium interim reducere conantur. Aliis nimirum placet, humorem à Præputio distillantem, Spongiola aut Viburni medulla, aut Radicibus Viridis Gentiane inter Glan- dem & Præputium insinuat, absorbere. Cum autem prior Methodus erectionem duntaxat Penis compescere, Phimosin verò nequaquam corrigere aut prohibere possit, tum posterior falsa Hypothesi imitatur (aqueos scilicèt Humores in Præputio congestos ab applicationibus jamjam memoratis penitus desiccari posse,) itaque non mirum est, quòd omnis spes in hujusmodi conatibus posita pereat profus & præcidatur. E regione profecto Humor, qui inter applicationem Fomentorum imbibitur, partes distendit, facitque, ut dolores & liquorum affluxus alii potius atque intendi potius, quàm remitti videantur.

## Pharmaca.

℞. Folior. Dulcamara M. xv. Semin. Lini pulverati ℥iv. Deceq. in vino Moschato, Cretico, vel Larido porcino ad Cataplasmatum Consistentiam, quod applica.

℞. Radic. Bryonia alba magna, bene nutrita, & in Talcas secta ℔b. Frig. in Sartagine, quòsque contabescat. Cola, & adde Tereb. Abietis ℔b. Cera ℥ij. M. F. Ung. viscidum.

℞. Radic. Alth. Lilior. albor. ana ℥ij. Coq. in Aqua communi. Pistentur, & trajiciantur per setaceum; dein adde Caputurum Alliorum sub Cineribus coltorum ℥ij. Ol. Lilior. & pinguedinis Anseris & Anatis ana ℥b. Farina Semin. Lini q. s. M. F. Cataplasma.

℞. Mucilag. Althea. Fenugraci. Ficum Pinguum ana ℥ij. Ol. Lilior. & Chamemel. ana ℥j. Pinguedinis Anseris & Axungia porcina ana ℥b. Terebinth. Venet. ℥b. Ammoniaci & Galbani Aceto solutorum ana ℥j. Cera nova q. s. M. F. Cera- rum instar Diachyli magni.

℞. Radic. Alth. Lilior. albor. ana ℥j. Folior. Malv. Mercurial. ana M. j. Coquant. ad molli- tiem; quibus confosis adde Farina Tritici. Hordei ana ℥b. Butyri rec. Pinguedin. Gallina ana ℥j. Ol. Chamemel. q. s. M. F. Cataplasma tepide im- ponendum.

Alia quamplurima Fomentorum & Cataplas- matum specimina addi possunt. Cum autem

complura ad rem præsentem accommodata in aliis hujus Tractatus locis perstrinxerim, nolo ea jam reponere, sed prudentiæ Medici relinquo.

Remedia, quæ modò proposuimus, hos Tu- mores aut discutient, aut frangent, agentque, ut, Meliceridis ad instar, brevi tempore elidant, neque gravem incisuræ operationem unquam de- siderent. Nihil profecto est quod interfit aut differat Phimosi Fœminarum à Virili, quando ex Venerea causa utraque oriatur. In Phimosi enim Marium sit, ut neque Glans detegi, nec Præputium ulla arte retrahi queat: in Muliebri verò, Vagina profus obseratur, nec introitus ullus conceditur. Prior à Præputii crassitudine, altera verò à Caruncularum intumescencia, gra- vique Sphincteris & cæterarum partium, quæ ad Vaginæ orificium sunt, Inflammationibus pla- nè proficiscuntur. Mirabiles verò hæc strages à Carcinomatibus, quæ in Carunculis insident, si- cut Phimosi Virorum ab iis, quæ Glan- dem & Præputium divexant, eduntur. Quapropter ad Phimosin Mulierum Fomenta emollientia applice- mus, neque necesse est, ut remedia, quæ ad Carcinomatum curationem præcipuè spectant, ne- gligere debeamus. Verùm hæc omnia jamjam satis enucleavimus, quando de Phimosi Marium ageretur.

Atque hætenus Gulielmus Cockburn Tractatu de Gonorrhœa.

## GRAVEDO.

Vid.

## CATARRHUS.

## GRAVIDARUM MORBI.

Vid.

## PRÆGNANTIUM MORBI.

## GURGULIONIS MORBI.

Vid. in Bibliothecâ Chirurgicâ.

## GUSTUS MORBI.

Quibus organis perficiatur Gustus, in Linguae morbis videbimus, dum scilicet hanc partem uno describemus verbo. Hic itaque tantum ejus- dem ipsius Gustus morbidas affectiones per Con- sultationes & Observationes, adnotabimus.

## Consultationes.

## Gustus depravatus.

D. Joacinus Navin Episcopus Caminensis Can- cellarius optimè meritis, intemperie calidâ hepatis affectus, insignem oris & linguae patiebatur amari- tudinem, adè ut suavissima etiam, seu esculenta, seu potulenta gustu admodum amara & in- grata penitus averfaretur, cum notabili virium de- jectione.

Gustus depravatur ab humore bilioso, linguam profundente, imprimis tuvicam sive membranam quæ os & palatum succingit.

Bilis;

Bilis, vitio hepatis intemperie calida affecti, producitur.

Vires dejiuntur ob alimenti defectum, quatenus æger cibos propter saporis amaritatem averfatur.

Humor itaque biliosus evacuandus, intemperies calida hepatis alteranda; & vires reficiendæ.

Ad bilis evacuationem, præmissa convenienti præparatione præscripsi potiunculam.

℞. Rhabarb. electi ʒij. tart. vitriol. gr. v. infund. per noctem in aq. endiv. & calendul. an. ʒj. manè colent. adde syr. de cichor. cum rhabarb. ʒvi. specier. electuar. de succo rosar. gr. x. M. F. potiuncula.

Pro alteranda intemperie Hepatis calida ordinavi electuarium.

℞. Conserv. rad. cichor. ʒij. conf. ros. vitriol. ʒij. spec. diatrion. santal. ʒij. spec. diarrhod. ʒj. condit. lactuc. Hispan. ʒvi. syr. berberor. q. s. M. F. electuarium.

Cum nondum remitteret oris illa seu linguæ amaritudo, repetii potiunculam laxativam modò descriptam, additis resin. scammon. gr. ij. unde sufficientissimè purgatus est.

Pro alteratione serum lactis caprini cum rad. cichor. & succo acetosæ præparatum exhibui.

Oris collutiones ex aceto rosaceo & aqua endivæ institui, interdum etiam lapide prunellæ in aq. plantag. soluto, gargarismi loco usus est.

Ad virium refectionem aquam meam cordiallem frigidam & subacidam, emulsionem item perlarum Cratonis, tinctur. rosar. & alia cordialia commendavi, non minùs ac cibos benè nutritios, juscula imprimis consummata ex caribus vitulinis, vervecinis, capontum &c. cum acetosa & cichorio alterata, quibus tandem à molestissimo hoc malo plenè liberatus est. *Baltasar Timau in Casibus Medicinalibus.*

*Gustus, & Olfactus Depravatio, cum Inappetentia, & totius Spontanea Lassitudine.*

Proponitur nobis Matrona Nobiliss. quinquagenaria, cui tribus abhinc mensibus cœpit depravari Olfactus & Gustus; quæ quidem depravatio jugis est, & tunc præsertim se prodit, quando assumit alimenta, & speciatim potulentia; percipit enim tetrum quendam halitum, qui potissimum alimenti tempore molestior est. His accedit inappetentia, & spontanea totius lassitudo; de quibus tamen non constat num præcesserint odoratus & gustus depravationem, an verò post apparuerint; addendum quinetiam uno abhinc anno destitutam fuisse purgationibus mensuris. Quare supponendum imprimis, affici organa sensus odoratus, & gustus; quia eorum facultas depravata est. Quærendum autem, an primò & per se lædantur, an verò per consensum ab infernis partibus. Et primò quidem essentialem esse affectum inde colligi posse videtur, quòd diuturnus sit; siquidem ante tres menses incepit; secundò quia continuus; tertid quoniam de aliis partibus male affectis nullæ adsunt querelæ, quartò quia mentem quodammodo esse perturbatam referunt, quamvis quod spectat ad hanc perturbationem, rationi potius consentaneum videatur, quandam displicentiam, quam veram depravationem esse; cum referatur nunc suboriri, quia ab esculentis & potulentis exasperatur af-

fectio. Nihilominus organa dicta per sympathiam pati, multis & potioribus argumentis convincitur. Primò quidem, quod laborat inappetentia, ex quo apparet malè habere Ventrículum, à quo facile affluere possunt aliqua materia, harum affectionum causæ, Secundò quia totum corpus lassitudine afficitur, quæ cum oritur ex materia aliqua malæ conditionis, facile potest organis gustus & olfactus impertiri. Tertid quia jam per annum suppressi sunt menses; quod certe materiam has affectiones inducentem, ex alteruero horum locorum promanare convincit. Præterea, si olfactus essentialiter afficeretur, aut propter ulcus fieret, aut propter objectum improporionatum. Ulcus verò, vel extimas partes, vel internas, nimirum supra os ethmoides obsideret, si externas, in conspectu esset; si supra colatorium os, indicarent excreta, sanies scil. præterquam quòd perciperet etiam ex hac materia mortuum, & difficultate respirationis per nares laboraret, ex materia foraminulis ossis impæta. Quamobrem statuendum fieri malum per consensum, elevata scilicet à subjectis partibus tetra quadam exhalatione, ex qua tamen sensoria alterationem quandam essentialem contraxerint.

Causam hujus affectionis quod spectat, Vir Præclariss. qui ad nos scribit, existimat esse materiam in capite hærentem, quæ halitu suo utrumque sensorium afficiat; hancque non quidem putridam esse, aut ex ulcere manere, sed in capite nascisci corruptionem quandam; interim verò fieri posse ut à Ventrículo & ab utero vapores expirentur, affectionem foventes. Hinc priori sententiæ assentiri non possum; si enim supra os cribrosum hæreret, coryzam induceret obstructis ossis illius foraminibus. Præterea nullo prorsus modo affici posset sensus gustus ab hac materia; sicut facillime sensus odoratus, ab illo enim loco ad palatum nulla alia patet via materiæ, nisi tertius cerebri ventriculus, & extimæ palati orisque partes: at si tertium ventriculum permearet materia, graviores excitarentur affectiones, puta Vertigines, Epilepsia, & hujusmodi; Si verò extimas partes pervaderet, ab assistentibus perciperetur. Rationi ergò consentaneum magis videtur, pendere malum ex tetra quadam exhalatione in caput, à subjectis partibus effumante, ut dictum est; quæ nihil aliud sit quam nidorulentus fumus cum aliquo foetore, vel vapor inexplicabilis cujusdam odoris, ex corruptione materiæ ad extraneam qualitatem, aliquando contingere monet Avic. licet hoc parum faciat ad curationem; prout certum est gustum ab eo affici specie saporis, quatenus est acris; olfactum verò specie mali odoris.

Cæterum cum hic fumus à triplici locò offerri possit, à totò Venosò genere, à Ventrículo, aliisque visceribus naturalibus, & ab utero; atque cognitu facile sit ab omnibus his locis aliquid affectis organis impertiri, diligentiori inquisitione illud dignum videtur, à quânam scil. parte potior ac immediata mali causa proveniat. Etenim præcipua causa ab Uterò pendere videtur; primò quidem, quia fortasse suppressi sunt menses, ante statum tempus, quamvis enim quinquagenaria sit, & ex Arist. habeamus, hanc ætatem mensuris purgationibus naturaliter destitui; hoc tamen non est perpetuum, neque ita facile est statuere determinatum tempus in omnibus, iis præsertim quæ sunt boni habitus, & sanguine

guitae abundant. Hoc etiam confirmare videtur spontanea totius corporis lassitudo, ortum fortasse ducens à sanguine ab utero reflente ad totum venosum genus. Neque obstat, quod spatium novem mensium à suppletis purgationibus, immunitas à dictis accidentibus vixerit; probabile siquidem est, materiam eò tempore non contractile corruptionem, ad hanc depravationem necessariam; cujus rei certus quinetiam haberetur indicium, si menses non sensim ac sensim defecissent, ita ut prius imminuti, mox suppressi fuissent, fieri solet; verum ex scheda hoc non constat. Quae si vera esset mali causa, posset inappetentia ab eadem originem habere, collecta enim hujus sanguinis copia circa venas superni orificii ventriculi, aliquam adipiscitur corruptionem, cujus causa sit ut appetitus tollatur, præterquam quod repletus illis venis, nulla sit fictio, nullaque cibi attractio; hinc alimentis assumptis agnatur illa materia & molestior sit affectio. Causa verò suppressi sanguinis circa uterum, vel est crassamentum aliquid, ob adustionem à J. core frivido congestum; vel crudi humores, à debili ventriculo suggesti; vel tandem uteri ipsius imbecillitas; de quibus tam ex scheda nihil conjectura colligere licet. Pro alia verò parte præcipuam mali causam ventriculum suspeditare, multa indicare videntur; primo quidem, quia frequentissimum est has depravationes, præsertim olfactus, oriri ex ventriculi affectione. Secundò quia ventriculus evidenter læditur, laborat enim inappetentia. Tertio quia ex ventriculo utrumque sensorium commode affici potest. Læditur autem ventriculus, tum per essentiam quam intemperatus, tum per consensum ab utero & aliis visceribus naturalibus; intemperatus verò est, quia jam diu laborat, quae intemperies est caliditas præter naturam, juncta uberiori humiditati; unde fit ut alimenta non probe coquantur, sed corruptionem quandam extraneam patiantur, nidulentæ fortasse similes, dependentem ab interno calore, qui tamen insignis non est. eisdem acrimonia ab humiditate retusa & refracta. Verissimilius itaque videtur immediatam mali causam à ventriculo subministrari, & potissimum, quod mensibus suppressis, proprios non videmus suscitari affectus; cum vapores ab utero ad ventriculum & seipsum transversum elevati, pariant suffocationem, præsertim dum Diaphragma impetunt, præterea rarissime accidit hic ætate menses fluere; adde quod si à suppressione mensium hoc contingeret, affectus multò prius sese prodidisset, cum anno abhinc inceperit. Verum quidquid tandem statuamus, in casu, quo divinatione potius opus, credere fas est partes dictas sibi invicem consentire, aded ut quæcumque demum fuerit pars magis affecta, vel uterus, vel ventriculus, concedendus sit mutus non solum consensus harum partium, sed etiam Hepatis & Mesenterii, quibus quodammodo obstructis materia ad ventriculum, & ab eo ad organa odoratus & gustus transfunditur. Doctiss. autem Viri, qui curæ præest, partes erunt ex propriis singularum harum partium affectionibus perpendere, quamnam ex dictis portorem mali causam præbeat.

Malum hoc ex se non quidem periculosum; signum tamen est dispositionis in corpore, non omni periculo vacantis; si enim materia, quæ nunc ad organa odoratus & gustus fertur, in cerebrum alioque præcipuas partes, puta cor, pimperum faceret, posset inducere vertigines epile-

pticas, convulsiones, motus, palpitationem, syncopen, & id genus morbos, maxima parte lethales; ut idcirco optimum sit consilium, tum ad præsentis molestias auferendas, tum ad immunes præcavendas, ut quibusdam remediis, licet ab his non facilis sanatio sit futura, præsertim si in utero mali causa resistat; sperandum tamen, diligentibus adhibita curatione, Pat. liberandam esse; quia affectus nondum est confirmatus, neque validioribus remediis tentatus.

Ut itaque liberetur, revellenda tetra illa evaporatio à supernis ad infernas partes; prospiciendum causæ, materię scilicet in ventriculo & utero stabulanti; viscerum & uteri obstructions tollendæ; tandem eisdem, & affectis organis concilandum robur. Hæc autem sient remedia Chirurgicis, Pharmaceuticis & Dieteticis.

Chirurgiam quod spectat, necessaria est sanguinis missio, non solum ob suspicionem suppressorum mensium, ante statum tempus, sed ad revellendam materiam petentem supernas partes, quæ, potissimum si lassitudo ex plenitudine fuerit, & viscera sint obstructa, omnibus numeris juvabit. Quare aperiuntur venæ inferiores utriusque pedis, & detrahatur sanguis ad eam quantitatem, quam videbitur ferre virium conditio, & corporis plenitudo. Quod si ob venarum exilitatem non possit ex illis educi sanguis, substituantur scarificationes in suris, veterum more; aut admoveantur Cucurbitule cum scarificatione, internis coarum partibus; deinde verò ad derivationem ab utero, referendæ sunt hæmorrhoides. Neque obstat, quod fiat ab utero derivatio; quia si ea evacuatio nondum subsisterit, statim omnino subsistet. Si fonticulus in cruribus gesserit, eos conservet; si in uno, inuratur unus brachio dextero; & si graviores corporis affectiones invaluerint, alter etiam sinistro, utrunque enim magis affectæ sunt infernæ, quam supernæ partes. Si tandem insignis aliqua materię impetus ad caput observaretur; non profus inutilia forent duo vesicantia, partibus indem infernis applicita; quæ tamen hoc statu parum juvare possunt; quæ vapor, sursum petens, habet antiquatum & habitatum impetum, & vesicantibus non revocandum. In hoc etiam fonte, lotiones, frictions, cucurbitule siccæ & ligaturæ, ad materię diversionem utiles erunt.

Reliqua remediis à Pharmacia desumptis perficienda. In primis verò purgandum corpus universum, præmissis præparantibus idoneis, & antè horum usum, exhibito leniente, ad primarum viarum expiationem, quod constare poterit, ex mel. ros. sol. & syr. de Polyp. si placeat portio, si bolus Elect. lenit. & spec. hieræ. Præparantia erunt attenuantia, incidentia & deobstruentia, paranda ex diluto Casal. Ven. Peniaph. Borag. eich. meliss. Vol. Fumiter. & Lu. ul. additis syr. de Pom. de ca. ul. Ven. de Lu. ul. de Artem. de Corne. citri. Indè surgentur humores, aut elect. lenit. Dacet cum conf. Hamech. aut infus. agar. cum portuncula helleb. nigri. Verum quia corpus valde est impurum, & excrementis redundans, idcirco repetenda purgatio, præparatis humoribus syr. de pom. & Fumiter. comp. addito syr. de duabus & quinque rad. dilutio verò adjectis puleg. Artem. Orig. & Agrim. Tandem petatur eadem purgatio ex Conf. Hamech. cui addatur, si placeat, portuncula extracti helleb. nig. His expiato diligenter corpore, placet A-

quar.

quar. Tettucian. per triduum aut quatrimum usus; detergent enim, roborant, aperiunt, quæ hoc casu sunt necessaria. Mox ad obstructions expediendas, & ad roboranda viscera, nil præstantius fuerit decocto in jure columbæ turricolæ parato, ex portione sassafras, quod fragrantis odoris est, & deobstruæ. China, & ligno indico, aut lentisci, quæ aperiunt & roborant omnia viscera, additis Melissa, borrag. Fumar. Puleg. Capil. Ven. Mentha, Absinth. cicer. rubris, portione Sabinæ, rad. Asparag. & Fœnic. Pimpin. Fragr. & Cich. in cujus usu pergat 15. aut 20. dies, vel prout videbitur exigi à morbo, & à viribus tolerari; ejusdem tamen quotidianum usum præcedat bolus, ex Troch. aperiensibus, puta de Absint. de cappar. & de myrrha, cum succo cichor. & borrag. condens. Familiariter etiam utatur spec. hieræ, & aliquando Triphera sine opio; quandoque & magnis Antidot. speciatim verò, frigidioribus temporibus, quibus & Castoreum erit adinstar omnium. Ex quorum ope luculentum quidem speramus emolumentum, verùm pro continua quadam revulsionem, & derivationem ad alvum, laudamus quàm maxime Elect. ex spec. hieræ & Rhab. paratum, cum mel. Ros. addita interim portione Diamofchi & Ambre, cujus Elect. familiaris & frequens sit usus. Placent quinetiam inter cætera Pil. de Aloe, quæ hoc casu sunt accommodatissimæ; nam ratione Aloes, detergent & evacuant ac derivant, quod maxime optamus.

Extrinfecus conveniunt Fomenta, Balnea & infusæ, ut laxentur viæ, calorque contemperetur; quorum materias omittimus, utpote clariss. Viro notissimas. His omnibus peractis, non erit inutilis usus Conserv. roborantium, qualis erit Conserv. de Absint. & Rorismar. quibus addatur portunculæ spec. diam. vel diamb. Juva-bit quinetiam Vinum Absinthites, cum portione rorismar. & meliss. interim ad ingratum odorem extinguendum & obtundendum, præstabit pila odorata ex aromatibus, Ladano scil. puro, asa odorata, rad. ireos, cum pulv. Viol. & ros. & portione moschi & ambre griseæ. Et naribus tandem indi potest quinta essentia rorism. cujus spiritus, si suppeteret, omnium præstantissimus esset.

Tandem ad roborandum Ventericulum nil præstantius stillicidiis, aut ex aqua marina addito vino, absint. Mentha, Puleg. & chamæmel. aut ex oleis, iisdem additis herbis.

His omnibus tandem addatur congrua & accurata victus ratio, quæ ejus sit conditionis ut caput non repleat, & excrementa non augeat. Aquæ Aponenses, si possent haberi, post Tettucianas exhibitæ, utilissimæ forent.

Hæc in casu admodum perplexo dixisse volumus. Faxit Deus, ut singula proficiant, ac optatis curatio respondeat. *Raym. Joh. Fortis, Consult. & Responj. Medicin. Tom. 1. Cent. 1.*

#### Observationes.

##### Gustus privatio, ob vitiosum nervorum situm.

Maxima admiratione me affecit inspectio Lazari Vitricoracis vulgò dicti: Hic nullo profusus gustu dum viveret, præditus erat, nullam in edendo voluptatem, nihil injucundum per-sentiebat, insipida, amara, dulcia, pingua, salsa, acria non distinguebat, vitrum, saxa, lapides, ligna, viva animalia, carbones, pisces

& vivario extractos adhuc salientes vorabat, item lutum, lineos laneosque pannos, scænum, stipulam, & ut brevi omnia complectar, quicquid homines, quicquid animantia vorant, quicquid edendum, seu deglutendum potius efferebatur, proposita mercede, dictum ac factum, ingurgitabat.

Cùm igitur hoc naturæ monstrum mihi dissectandum esset Patavii, cœpi hujusce rei diligenter, quoad ejus fieri potuit, causam venari, quam me tandem Deo duce ex particulari illius structura assequutum esse confido: Nam quarto nervorum conjugatio, quæ Gustus gratia in aliis hominibus a natura producta est, in hoc Lazaro neque ad palatum, neque ad linguam, sed ad occipitium reflectebatur. *Columbus lib. 15. Anatom.*

Similem naturæ *waxixBariv* in factore naturali morte extincto notavimus. *Kolffnecium Dissertat. Anat. l. 4. p. 35.*

##### Gustus privatio à lesione nervi illi sensui destinato.

Cur in Laryngibus vulnerati sæpè sermonem, sæpè quoque saporem amittunt; equidem non sine admiratione spectavi Willelmum Aurasicum Principem, accepto in collo vulnere sensum Gustus amisisse? Est enim nervus duplex à tertia conjugatione manans, qui in laryngem inferitur; altero quidem ramo lingua sermoni apta redditur, altero saporis percipiuntur; hoc quidem resecto Gustus, illo sermonis usus amittitur: Quod cùm Aristoteles, (1. de hist. anim. & l. de sensu,) non prospiceret, pro decreto posuit, nullum animal sine Gustu vivere posse: At Princeps Arastus amisso Gustu iam diu vixit quoad occideretur: ac tamen cibos condimentis acribus, acidis, salsis, parari juberet, nihil tamen gustu percipiebat, ut quidem ab illo accepimus: Minus quidem mirum est Gustum amisisse, sed amitti sermonem ab eo qui audiat Lingua integra, incredibile antea mihi videbatur nisi experientia compertum haberemus. *Bodinus Theatri Natura lib. 4. p. 460.*

#### GUTTA ROSACEA.

Vid. in *Bibliothecâ Chirurgicâ.*

#### GUTTA SERENA.

**G**utta serena est oculorum affectus, ubi visus propter obstructionem nervorum opticomum aboletur, dum interim nihil vitii in oculis animadverti potest, nisi quod pupilla & nigrior & amplior apparet.

Pro hoc affectu explicando tota oculi fabrica, ac visionis historia nobis describenda foret; verùm præterquam quòd hoc jam quamvis compendiosè, non minus tamen accuratè perfectum est à Clariss. Gulielmo Briggs, cujus elaboratissimus tractatus Bibliothecæ nostræ Anatomice Tom. 2. insertus videri potest; aliquid etiam hæc in re ubi de Oculorum morbis suo loco adducemus. Hic tantum pauca per Curationes & Consultationes, tradimus.